

ابونه شرائطی

هر یک ایچون سنه لکی (۲۵۰)

آلتی آیانی (۱۳۰) غروشدن

نسخه سی ۵ غروشدن، سنه لکی

۵۲ نسخه در

اداره خانه

آهرداده حریت اوتلی قارشد و سنه


خطارات

آبونه بدلی پند

سلکه موافق آثار مع الممنونیه قبول

اولنور، درج ایدله یازیلر

آعاده اولونماز



خطارات

آدرس تبدیلنده آیریجه بش
غروش کوندولمیدر

مکتوبلرک، مضاری واضح و اوقواقلی
اولسی و ابونه صره نومروسی
محتوی اولسی لازمدر .

ممالک اجنیه ایچون آبونه اولانلرک
آدرس لرینگ فرانسه ده یازلسی
رجا اولنور .

پاره کوندولدیکی زمان نه به داتر
اولدیغی واضحاً بیلدیرلسی
رجا اولنور .

اتبعون اهدکم سبیل الرشاد

صاحب و مدیر مسئول
أشرف ادیب

بش محمد عا کفت

والله یهدی من یشاء الی صراط مستقیم

جلد ۱۸

۱۷ شباط ۱۳۳۷

پنجشنبه

۹ جمادی الاخره ۱۳۳۹

عدد ۶۸

اسرار قرآن

بسم الله الرحمن الرحيم

«واذالقول الذين آمنوا قالوا آمنا واذاخلا بعضهم الى بعض قالوا اتحدثونهم بما فتح الله عليكم ليحاجوكم

به عند ربكم افلا تعقلون . . . »

۳

بناءً عليه بوجز کتاریله کندیلرینک مقتضای عدل و شرعی آر'مادقلرینی،
بالعکس حیله لرله، طوزاقلرله ایشک ایچندن صییریلوق طرفداری اولدقلرینی
کوسترمش اولیورلر .

هر نه قدر تقلید ایتکده اولدقلری اومضل حریفلردن وزروربال
اعتباریله دهاکریده قالیورلر سده هر حالده اونلرک معصینه اشتراک ایتمش
بولونیورلر . بوندن طولاییدرکه جناب حق بوزمریه داخل اولان علمایی
ویل وهلاک ایله تهدید بویوریورلر : (فویل لهم بما کتبت ایدیم وویل
لهم بما یکسبون) کتاب الله مخالف اوله رق اللریله یازمش اولدقلرندن
طولایی وای اونلرک باشلرینه کله جک عذاب ا وای اونلرک بوصورنه
قازانمش اولدقلری خسیس منافعدن طولایی کرفتار اوله جقلری
ماقبته ۱

زخمشرینک کشف تفسیرنده کی شوسوزلری نه کوزلدر : «قرآن
کریم اولاعلم ویقینلرینه رغماً کتاب اللهی تحریف خصوصنده اصرار
ایدن علمایی، صوکرده بونلری تقلید ایدن عوامی ذکر ایدرک ضلال
جهتندن هر ایکسینک بر اولدیغی تصریح بویورلر . چونکه عالم ایچین
علمیله عمل ایتک، عوام ایچین ده کندیشنده برشمه هلم بولندیقه ظن
وتقلیده راضی اولماق ایجاب ایدر . . .

بونکله برابر بومضل علما البته ضلال ایتدکلری خلقتدن وبال
اعتباریله یک ایلریده درلر . (فویل للذین یکتبون الکتتاب بایدیم هم
یقولون هذا من عند الله لیشتروا به ثمناً قليلاً فویل لهم بما کتبت ایدیم
وویل لهم بما ایکسبون) یازقلر اولسون او انسانلره که کتابی
ایسته دکلری کی کندی اللریله یازارلرده صوکره برقاچ یاره الله
ایتمک ایچین «بونلر جناب حق سوزلریدر .» درلر .
کتاب الله مخالف اوله رق اللریله یازمش اولدقلری شیلردن طولایی وای
اونلرک باشلرینه کله جک عذاب ا وای اونلرک بوصورنه
قازانمش اولدقلری خسیس منافعدن طولایی کرفتار اوله جقلری
ماقبته ۱

انسانلر طرف الهیدن نازل اولان احکامدن یوزچویررده هیچ بر
زمان ومکانک خالی بولونمادینی ییغین ارباب ضلالک تزویرانی
دیگله مکه اکتفا ایدرلر سه آریق افراد آره سنده قتنه لرک ، فسادلرک
میدان آلماسی، هر درلر حقو ک ضیاعه اوغرامسی، حدود شرعیه نک
معطل قالمسی کی وخیم عاقبتله استحقاق کسب ایتمش اولورلر . ذاتاً
مقدلرک اوتهدن ری عادتله درکه دائمی ایدرکه رخصت جهتله ری آراشدیرمق
وکونا کون حیله لرله صاریلق صورتیله کندی شخصی الملرینی، نفسانی احتیاضلرینی
الده ایتک ایستلر . بونلرک کتب سماویه حقه کی علملری ضلالم برعلم
دکلدر . بونلر صرف کندی خصوصی آرزولرینی دین طریقندن تطمین
غایه سی تعقیب ایدرلر . ایشته بونک ایچوندرکه الله ذوالجلال بونلرک کتاب
مقدسه عائد اولان علملرینی «امانی» لفظیله توصیف بویورمشدر . یعنی
برطاقم شخصی املرکه آیات مقدسه نک صراحتنه مخالف اولسه بیله
ظنونه، اوهامه مستند برسوروتأویلرله، توجیهلرله وامللری استحصا
چاره لرینی آراشدیروب طورورلر . بونلر کیزی، آجیق هر درلو
ناموس سزاتی، معصیتی، بغیر حق تجاوزی جناب حق تحریف بویوردیغی بیلمکله
برابر حیل ومفاسد اربابندن اولان ائمه ضلاله مراجعتدن هیچ برزمان
کری طورمازلر؛ ایستلرکه بومضل حریفلر کندیلرینه کتابه اویه جق بریول
بولسونلرده اوسایه ده کبازی کوکسلرینی کره کره ایشله به ییلسینلر، معاصی به،
مظالمه بیلدیکلری کی دلسینلر غریبدرکه بوا دملر کندیلرینک اللهی، رسول اللهی
آلایمه به چالیشمقده اولدقلرینی، دین اللهی به قارشو حرب آجدقلرینی
یقیناً بیلدکلدی حالده ایجاد ایتدکلری بوشیطانی وسائله «حیل شرعیه»
نامی ویریورلر . حال بوکه حقیقتده «حیل شیطانی» دن باشقه برشی
دکلدر . اهل علم آره سنده کی صاپیقلر بوصورنه جناب منقعت، اکتساب
ثروت مقصدینی تعقیب ایدیورلر . عوامه کلهجه غریبدرکه بونلرده
اصلی علمانک بو قسمی آراشدیریورلر ده ارباب علم آره سندن صلابتله،
تقوی ایله معروف اولان دینی بوتون انسانلری ترک ایدیورلر .

سور و کله نوب کیدیور . ایشته بو حال جناب حقک اونلره دنیاده کی ویلیدر ، دنیاده کی عذاب عاجلیدر . آخرتده کی نصیبیلری ایسه جحیم خسراندر که هول و دهشتی احاطه قابل دکدر .

عبدالعزیز چاوش

انکسار خیال

— سوکیلی از میرک اشغالی مناسبتله —

دیوردق : ظلم و وحشت قالدی ، بر باشقه جهان کلدی ،
اونی تدویر ایدن (ویلسون) کی قطب زمان کلدی !
دیوردق : اک ضعیف اقوامه حق سلطنت موعود !
(قریستوف) توله کسندن بویه بر ساحر بیان کلدی !
دیوردق : فکر استیلا ، تحکم ، احتراض تولدی ،
قویون ، قورت هب باریشدی ، عالمه صلح و امان کلدی !
دیوردق : غالب و مغلوب بوق ، میدانده برحق وار ،
اوحق هایقیران بر صیحه ، بر جان قورقاران کلدی !
دیوردق : اک طبعی حقیدر تورکده استقلال ،
مراردن [۱] بویه برسس یوکسلوب دنیابه جان کلدی !

قطط ، هیات . . . بونلر هب برر خولای مغفلش .
عدالت بکلان یرلردن آتش کلدی ، قان کلدی !
جهان بر لطف شاملله نصیب کامنی آلدی ؛
بهار عمر اسلامه فقط یالکزخان کلدی !
شاشیردق : روح قانونیه [۲] عرض ماجری ابتک ؛
اونک قبر حزیقندن ده نادم بر فغان کلدی !

الهی ، بویجه ییلدر نام کی تجیل ایدن اسلام
بونالیدی ، مصطفایک یوردینه زهرین دومان کلدی !
الهی ، مجرمین درکام احسانکدن آیریلدی ،
طابندق غریبه ، باتدیق . هب بلای آسمان کلدی !
الهی ، قبله امدیمز سنسن و سن وارسن ،
ایناندیق : درس خسران و فلاکت یکن یلمان کلدی !
اویان آی امت مرحومه سیلکین ، آرتق الله دی ،
باقارکن غریبه کوردهک هب ییلان کلدی ، بونان کلدی ،
۱۶ مایس ۳۳۵

ح . بهری

[۱] واشینگتون مناری

[۲] وقتیه فرانسلری حمایه ایدن سلطان سلیمان قانونی

الله ذوالجلال آیات الهیه سنی کندی رأی سقیمنه کوزه تأویله
قالقیشان و عرامک پاره سنی چکمه ایچین اونلره حیلله یولندن احکام
استنباطیله اوضراشوب جناب حقه و یرمش اولدقلری عهد و میثاقی
بو عالم فانیلک در سز متاعی اوغورنده فدا ایدیورن بو مضل علمایه
اک مدعش خسرانک ، اک شدید عذابک مطلقا اصابت ایده جکفی
بیان بویوردقن مسکرم بو تهدید و اندازی (فویل لهه نما کتبت
ایدهم) صورتنده تأکید بویوریور . بونلرک المریله یازدقلری شیلر
تلفیق اولونمش فتاوی ینعلریله باطل تأویلریدر .

شبهه یوقدرکه جناب حق تهدید واقعی ایقاع خصوصنده کی صدق
گوسترمشدر : اوت ، بنی اسرائیل علماسنک ارتکاب ایتدکاری بو
فضیحه بی هیچ بر امت ارتکاب ایتدمشدرکه الله ذوالجلال اونی تکیل
ایله ناصه خذلاننه ذات و مسکنت تمغاسنی اورمش اولماسور . ذاتاً
فاطر حکیمک بنی اسرائیل رؤسایه ، بنی اسرائیل علماسنی مثال
کتیرمسی کلام الهی تحریف و صرف کندی قریحه لرینک محصول
اولان بر طاقم احکامی جناب حقه اسناد شاعنی ارتکاب ایدن جماعتک
کرفتار اولدینی عاقبتی باشقه ملتله کوسترمرک اونلری عبرته سبق
ایتمک ایچیندر .

اگر علمای اسلام جناب کبریاک سرد ایتمش اولدینی بو کی
نمونلری نظر دقت اوکنده بولوندورمش اولاییلر تبدل شایه سندن
مصنون بولونان قانون الهینک هلاکه محکوم ایتدیکی امتلرک کرفتار
اولدقلری اجتماعی خسته لقلر بو زوالی ملت آره سنده هیچ بر زمان
انتشار ایتزدی ؛ کذلک ایچلرنده احبار یهوده رحمت او فوده حق قدر
بدعتلر ، حیللر ایجاد ایدن علماء سوء یتیشمزدی .

کتاب الهی هیچ بر وجهله قبول ایدیله به جک صورتده تأویل بدعی
آلا بیلدیکنه تعمیم ایتدی . تفسیر تصدی ایدنلردن بر جوغی کندی
هوسانه اتباع خصوصنده اوقدرایلری کتیدیلرکه قرآنک احتوا ایتدیکی
احکامی استنباط ایچون اونک اسالیب حکیمه و اسرار دقیقه سنی اصلا
کوزه تمه دیلر ؛ یالکزالد ایدم جککاری ثروتک ، اقبالک ، منصبک درجه سنی
دوشونلرک اوکا کوره حکملر تصنیع ایتدیلر . هیچ شبهه یوقدرکه بو
کروهه داخل اولانلر حرکت واقعه لرله دینک ارکانی ییقبورلر ،
حدود الهیهی معطل براقیورلر ، امتلرک حقوقی پایمال ایدیورلر ،
عاجزلری منقلب النده زبون براقیورلر ، فقرایه قارشو زنکیلر مظاهرتده
بولونیورلر . بو صورتله منسوب اولدقلری امتلرده اخلاقی خسته لقلر
مستولی حانی آلیور . افراد آره سنده خصوصتله ، عداوتلر اجرای حکم
ایدیور . بونلر آتش کی کندی کندیلرینی ییوب یتیریور . نهایت
ضعف و انحلاله محکوم اوله رق اضمه محلال اوچور و ملرینه طوغرو